

in einem tag einbringen sol / vnnnd also fürder einen tag vmb den andern / bissolang / das ein jeder teil drey Sake einbracht / damie sie dan sollen beschlossē haben / Es würde dann im letzten satz / neuerung gespüret / so sol dem andern teil / sein notturfft / den folgenden tag darfege zusehen / auch nachgelassen werden / Würde aber auch ein teyl / mit zweien Saken auffhören wollen / so sol dem andern der dritte Satz / zu seiner notturfft / damit nicht benommen sein / vnd sollen alsdann / wann die part ihre notturfft / wie angezeigt / einbracht vnd zum Rechtē beschlossē / dieselbigen Sake gezwifacht vnnnd vorpertschirt / beneben dem Urteilgeldt / alsbald Recht darüber zusprechen / vorschickt werden.

Der Cviij. Artickel.

Wieviel man Procuratores haben mag / vnnnd wie sich die halden sollen.

Es soll auch hinfür ein part / nicht mehr dann ein Procurator / zu seiner sachen / vorsprechē oder gebrauchen / vnd dieselbigen Procuratores / sollen sich vnnützes geschwezes / auch einer den andern / wie sie biszher gepfleget / zuschimpffiren vnd mit vorgeblichen oder vnnottürfftigen worten / in irem setzen zuübergeben / enthalden / Welcher aber solchs vbergehen / vnd anders halden würde / den soll vnser Amptman / nach grösse seiner vbertrettung / in keinen weg vngestraft lassen.

Der Cviij.